




P. 30

317494 AMER  
COLL





Digitized by the Internet Archive  
in 2017 with funding from  
Wellcome Library

<https://archive.org/details/b29313909>













THESES

PRO GRADU BACCALAUREATUS

IN MEDICINA,

QUAS,

AUSPICE DEO,

ET PRAESIDE

D. D. JOS. HIPPOLYTO UNANUE

ANATOMES P. P.

SUSTINEBIT

JOSEPHUS URRETA, BACCALAU-

REUS PHYSICUS

RIGII ANATOMIAE AMPHITEATRI

ALUMNUS,

IN REG. AC PONTIF. DIVI MARCI

ACADEMIA.

DIE 4 JULII ANNI MDCCCIV.

LIMAE TYPIS ORPHANORUM.

*Turget enim Chocolata cibo, pinguique redundat  
Sulphure, quod stomachi contritum viribus, am-  
plum*

*Suppeditat Chyli fontem; fit larga cruoris  
Materies, nervosque exudanti irrigat aura.*

*Geoffroy.*

REGIAE. AC. PONTIFICIAE.  
LIMANAE. DIVI. MARCI. UNIVERSITATI  
PRISCA. FUNDATIONE. SCIENTIARUM. CULTU  
INGENIORUM. PRAECOCI. DIVITE. VENA  
OMNIUM. NOVI. ORBIS. LITERARUM. INSTITUTIONUM  
PRINCIPI. ET. MAGISTRAE  
HAS. HYGIENAE. AGRICULTURAE. THESES  
MATERIES. PROSPECTU. IUCUNDA  
STUDENTIBUS. FACILIS. SAPIENTIBUS. AMOENA  
OMNIBUS. UTIBILIS  
PERPETUUM  
AMORIS. REVERENTIAE. ET. GRATITUDINIS  
MONIMENTUM  
ERGA. MATREM. LONGE. PIENTISSIMAM  
CONSECRAT  
JOSEPHUS. URRETA



*Sub torrida zona degentibus, Potio Indica  
vulgo Chocolate, saluberrima.*



**CADEMICUM MEDI-**  
cinae specimen datur  
thema quod Scholae, et

Facultatis legibus pareret, Publico prospiceret, decebat eligere. Hoc tempore, quo tot vtilia, exculta, post belli strepitus Europae eduntur, circa Naturalem Historiam optima: aliquid nobis proprium, luce dignum erat cogitandum. Menti thesauros Americae naturales ad delectum versanti, ecce Chocolatae potus, exemplari idoneus, conditiones impleturus sese obtulit ultro. Nulla seligendi mora Nectar Indicum accipimus, praestantem eius usum Dissertationi subiicimus, *Americanis proficuum, salutarem asserimus*. Eo lubentius quo vnus aut alter ex Medicis nostris, et incolae non pauci, illum vana formidine, noxa imaginaria extimescunt, damnant. Metus inanes, phantasmata serio vt excutiantur, oportet species, quae Chocolatae compositionem ingrediuntur, perspectas habere: singularum vires, effectus in corpus humanum, quidquid amabili connubio iunctim efficiant dignoscere: quid denique variis eius praeparan-

di rationibus, aut pro potu, et cibo conficiendi modis differat rimari, perpendere.

2. Species innumerae primis ab America detecta temporibus Chocolatae compositionem ingredientibus, omnes tribus exceptis obsoleverunt, nobis horridae, incongruae, nocentes experiae. In Europae Septentrionalis Populis ( a ) perstant Epidendrum Vanilla, Caryophyllus, Ambra, quae sapore pungente, odore peruvicaci fuerant exclusae. Iuste hisce a compositione amandatis, supersunt tres, Cacao, Saccharum, Cinnamomum: primus substantia grisea, pingui, leuiter amara, valde nutriens, traditione, nullo periculo facto, in stomacho digestioni resistere dicitur. Nec alio praeter Chocolatae condimento mensis apponitur. Saccharum concretum salino-oleosum notissimum, usus immensi, cibis in, et extra corpus resoluendis, condiendis, praeparandis aptissimum, caetera salia antecellit, acida, austera, amara corrigit, animalia, et vegetabilia a corruptione tuetur, illo ab scorbutis incolumes viuimus. Cinnamomum specierum aromaticarum prima, stimulo, et fragrantia, stomachi et nervorum sustentaculum, esculentis, et potulentis appositae miscetur, gratiam, energiam conciliat, effectus secundat.

3. Quomodo haec uniantur, quid sociata praestent iam opus est videre. Sed ante, ut quibus Chocolata cordi est obsequar, aliqua curiosa, sciri digna, alibi non reperiunda in Tabulis apponam.

---

( a ) *Linneus, Potus Chocolatae, Dissertatione habita Upsaliae, anno 1765.*



Theobroma in variis vtriusque Ameri-  
cae locis nata, seminum magnitudine, forma,  
duritie, aliisque accidentibus variat; quibus  
substantia magis vel minus oleosa, aromatica ob-  
servatur, hinc illincve elegans habetur. Cacao  
naturae et prestantiae estimandae scala Hispa-  
nis, et Americanis eadem est; at vltimi in  
illa delectu peritiores. Eius gradus dant 1. So-  
conuzco. 2. Cucuta. 3. Caraccia. 4. Dariena.  
5. Panama. 6. Magdalenus fluvius. 7. Machalia.  
8. Moxia. 9. Reliquae abditae Peruviae Silvae,  
quarum vna vel altera vt Chachapolitana, et Jua-  
nicencis varietates fert rarissimas. 1. nucleis mag-  
nis colore, et consistentia amygdalinis rigidis  
corticibus: 2. nucleis parvulis rubellis, teneris  
pellicula obiectis, qui difficile torrentur, in la-  
pide disfluunt, et nisi aliis mixti, non indurescunt.

4. In primo contenta nucleis magnis,  
cylindro-elipticis, fulvis compactis, oleo di-  
uitibus; in octavo nucleis parvis subrotundis  
nigricantibus, solidis, oleosis; vtrique plus  
sacchari egent, et cinnamomi. Caeteris multi-  
plici varietate diuersis propria cuique condi-  
menti ratio; sed cum haec diuersorum palato,  
stomacho vbiquaque aptari debeant, nullibi de  
iis lex certa ferenda. Ast ubilibet de torrefac-  
tione lata esse debet: ex illa namque virtus,  
energia, sapor Chocolatae pendent. Altior tex-  
turam adgreditur, vrit, principia actiua euertit:  
demissior cruda, indigesta, visceribus nocentia  
relinquit: media tutissima. Qualis vero huius-  
ce aestimandae norma? Nuclei arena mixti, tes-  
ta igne supposito, rutabulo agitati urgentur ad  
momentum vbi leni manus affricu decortica-  
tionem pati incipiant. Necessariae quantumuis



fluxae operationi, Chocolatarii nostri par studium non adhibent; immo illam insectantur, quia granorum inter lapides subactionem moratur: id quod *no correr en la piedra* dicunt. Paruo laboris impendio, leui temporis iactura territi Cofeae totrefactione propria pene viuunt, inscilia humana viscera adurunt.

5. Alia nec parui facienda labes inferitur seminum contritione non exacta; sedulo vitanda operarios monendo sancte suae laboris operationis leges obseruent. Ecce totius summa. Cum in mola Cacaotera meta cylindrica lapidea super catillum lapideum subconcavo-planum, mensae inclinatum, semina tosta, fracta intercipiat, deorsum sursumque continuo manibus acta subigat atque stringat, illa in pastam oleo madidam comminuit, redigit; quae iterum Sacchari, tertio Cinnamomi polline permixta rite traicitur, eoque elegantior habetur, quo remista et subtilior exit. Materia sorbilli praetiosissima, Theobroma merito dicta, ex nunc Hygieposis, Americarum Soteria dicenda; istisque questu, et cultu iuxta habenda. Igitur ex pasta, manibus exquisita munditie tractata, tornantur cylindri, globuli, aut capsulis chartaceis inclusa, crate loculata succussis, adornantur tabellae, quae sub umbra aëre impulvere siccantur, darescunt ( *b* ). Post ali-

---

( *b* ) *In laterculis hoc modo paratis quinque superficies papyro obiectae manent, quae oleum ex massa recenti dum siccatur imbunt, aliquot dracmis diminuunt. Id in cylindris, et sphaerulis non accidit, nam siccae, si lubet, teguntur munda ut seruentur.*



quot dies scriniis conduntur, ocius inclusae odore inficiuntur mephitico, difficile delendo. Reconditae, ante duos tresve menses vsui non conceduntur, quippe certo, et si indeterminato tempore fermentatione concentrantur, meliorescunt, paribus oleosis, salinis, aromaticis multo correctis; hoc transacto humescunt, molliantur, veterantur.

6. Conditiones, quibus Potio nostra, omni cura et studio digna, parari debet, ut ut prolixae, et minutiones videantur, minime post sunt habendae; paruula vel omissa, incondita, aspectu horrida, gustu ingrata euadit. Quidni etiam saluti incommoda? Pastillum, radula vel quouis alio modo comminutum aqua diluitur, ea proportionem ut huius unciae quinque illius uncia una respondeat: solutio frigida ad tempus in cucuma digesta, super carbones in clibano ardentes, fumo mephitico deflatos, imponitur, igne sensim viuisciente coquitur, variisque ebullitionibus cita, post quintam aut sextam momento requieta verticilli (c) turbine in vortices agitur, spumas attollitur, ad scyphum inclinata cucuma iterato extrahitur, fragrantia aëra replet. Portionis diuinæ Encheiresis, ut sensus externos allicit, recreat! Potio, tumet ipsa, quantum internis prospicis! Per te animi, et corporis nostrae dotes eriguntur, vigent! Mens Philosophi meditationibus exhausta, tui poculo vigorem recuperat, alacris ad imagines redit. Astronomus

---

(c) Verticilli isti bacilli sunt inferne strobilo aut cylindro striis, dentibus, anulis distincto structi, qui vario artificio gratiose dolantur, et Molinillos hispane dicuntur.



tuapte munius, coelo intentus, noctium inclemenciam tolerat, observationis taedium sustinet, somni peruicaciam... sed quo me rapit? Atqui primus versionis scyphus optimus, qui Chocolatae flos et spiritus rector habetur; secundus itidem excellens, tertius inclinatus, caeteri cadunt. Spumescens, ad huc calida exiguis haustibus sorbilla-  
tur, pane dehinc, aut biscocito imbibita vescitur. Quouis anni tempore, omnibus diebus cum segmentis panis artoptitii, solis vel butyro vaccino vinctis, ientaculum praebet nobilissimum, stomacho familiare, cephalicum, munus vitae obeundis aptissimum, omni alio praeferendum. Super fructus nostros autumnales Musam, Psidium, Annonam assumpta gratissime sapit, facili et placida digestionem fertur, ambrosia eructatur.

7. Plura de clibanis, cucumis, verticillis, scyphis, scriniis Chocolatariis; de illorum materia, forma, artificio, quibus alia aliis praesentant, apparatus viaticus ditatur, essent dicenda; sed Tabularum angustia vetat. Forsan alio visura, ubi Chocolatae virtutes, quibus complexionibus quadret, quibus disconueniat, quibusque morbis medeatur data opera tractentur. Id quo Medicos nostros exoratos volumus observationes proposito instituant, pioque animo recordentur Patronae nostrae Rosae, eiusque Matri, Chocolatae Potionem, ut Syncopis remedium, cognitam fuisse; eamque, ex consilio cum Angelo Tutelari habito, imminenti animi defectione afflictam virginem feliciter hausisse.

## TITULARIS PHYSICA

*Annus, non Terra fructificat.*



















